



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1100. Usque Ad Annum 1143

Fleury, Claude

August. Vind. [u.a.], 1762

VD18 90117999

§. 56. Ecclesia Latina in Oriente.

[urn:nbn:de:hbz:466:1-66385](https://nbn-resolving.org/urn:nbn:de:hbz:466:1-66385)

Sæcul. XII. *lus avem, vel aliam feram venetur.* Hæc
A.C. 1128. ergo fuere exordia Ordinis Templario-

c. 30.
47.

Guil. XIII.
hist. c. 25.

rum, ceteris omnibus Ordinibus milita-
 ribus antiquioris, tuncque primo tentari
 coeptum, Militiam cum Instituto Mona-
 chorum conjungere. (*) Ceterum Hu-
 go de Paganis ceterique Templarii a Re-
 ge Hierosolymæ illiusque Regni Princi-
 pibus eo consilio in Occidentem missi
 fuerant, ut populos ad iter in Terram
 Sanctam suscipiendum & auxilia ad obsi-
 dendam Damascum (hæc enim expedi-
 tio statuta fuerat) conferenda excita-
 rent. Anno sequenti millesimo centesi-
 mo vigesimo nono in Orientem reversi,
 magnam eo Nobilium multitudinem de-
 duxerunt.

§. LVI.

Ecclesia Latina in Oriente.

Stephanus Patriarcha Hierosolymita-
 nus,

* Cap. 12.

(*) Quod S. Bernardus, ipsiusque Scriba Jo-
 annes Michaelensis, hujus Regulæ auctores Re-
 gulam S. Benedicti præ oculis habuerint, ad ea
 excerpenda, quæ viris militaribus congruere po-
 terant, patet ex illis verbis*: *Aliis nam diebus,*
videlicet secunda & quarta feria nec non & Sab-
bato duo aut tria leguminum vel aliorum cibo-
rum fercula, aut ut ita dicam cocta pulmentaria
omnibus sufficere credimus; & ita teneri jube-
mus, ut forte qui ex uno non potuerit edere ex
alio reficiatur. Reg. S. B. Cap. XXXIX.

nus, qui Templariorum Regulam confir- Sæcul. XII.
 mavit, hoc anno millesimo centesimo vi- A. C. 1128.
 gesimo octavo successerat Gormundo;
 is enim locum munitum prope Sidonem
 obsidens morbum contraxit, ex quo de
 vita decessit, postquam in Cathedra Hie-
 rosolymitana annos ferme decem sedif-
 fet. Stephanus ejus Successor in provin- Sup. lib.
 cia Carnotensi ex nobili genere ortus & LXVI. 6.
 Balduino Regi affinitate conjunctus, 43.
 quamvis adolescens literarum studiis vac-
 casset, postea tamen arma gessit & Vice-
 comitis Carnotensis Dignitate insignis
 fuit. Sed mundi tumultum perosus, ad
 S. Joannem de Valle in eadem civitate
 monachum induit, atque exinde Abbas
 electus est. Tum Hierosolymam pere-
 grinatus, cum in Franciam rediturus op-
 portunum navigandi tempus expectaret,
 communi Clericorum populique consen-
 su Patriarcha Hierosolymitanus eligitur.
 Bonis vir erat præditus moribus, sed tu-
 mido ingenio, juris sui tenax, & in iis,
 quæ animo constituerat, inflexibilis.
 Postquam Episcopus fuit ordinatus, cum
 Rege jurgari cœpit, dicens, urbem Jop-
 pen suæ esse ditionis, quin etiam Hie-
 rosolymam, ex quo Christiani Ascalonem
 expugnassent. Sed Patriarchæ mors ma-
 ture litem diremit, nam Sedem Hieroso-
 lymitanam ultra annos duos non tenuit.

Anno

JVII. 2

Secul. XII.

A. C. 1128

Anno superiore, millesimo centesimo vigesimo septimo, Archiepiscopus Tyri constitutus fuerat, postquam Christiani eam civitatem e potestate Infidelium anno millesimo centesimo vigesimo quarto, die vigesima nona Junii, eripuissent. Nam in vere anni ex hac victoria quarti Rex, Patriarcha, & præcipui Regni Hierosolymitani Proceres, Tyri congregati, Archiepiscopum hujus urbis elegerunt Guilielmum, Ecclesiæ S. Sepulchri Priorem, ex gente Anglorum, quem morum integritas commendabat. Ideo vero hanc electionem tanto tempore distulerant, ut interea sufficiens mora esset, qua decernerent, quid de Ecclesiis aliisque Bonis ab Ecclesia Cathedrali pendentibus faciendum esset, & Archiepiscopo haud plura, quam ipsis visum fuisset, traderent. Guilielmus a Gormundo Patriarcha Hierosolymitano ordinatus, hoc Præsule invito Romam profectus est, Pallium petiturus, quod ab Honorio Papa honorifice accepit. Tyrum deinde reversus Ægidium, Episcopum Tusculanensem, Sacræ Sedis Legatum, eo deduxit, afferentem literas, quibus Bernardus Patriarcha Antiochenus Ecclesiæ Tyriensi intra dies quadraginta Suffraganeos suos reddere sub pœna Suspensionis jubebatur.

§. LVII.